



聖武記卷五

國朝撫綏西藏記上  
鄧陽魏源撰

國朝撫綏西藏記上

西藏古吐蕃元明為烏斯藏其人則謂之唐古特亦曰土伯特其地分三部曰康即打箭爐外察木多地為前

藏嶠石也多譯音嚶秀曰衛即布達拉及大招寺本吐蕃

建牙之所今達賴居之為中藏布達拉華言曰藏即扎

什倫布本拉藏所治今班禪居之為後藏扎什倫布華言吉祥山也

以山又並極西之阿里則稱四部云北界河源河源上

重出于西寧皆與南界大金沙江雅魯藏布江橫亘于

藏地北界相連三藏之南即大金沙

聖武記 卷五 一

江上游也下游由緬甸入南海視岷江上游之小金沙

江廣潤數倍或云即黑水而三藏即三危其以怒江為

三藏南界西距雪嶺雪嶺為岡底斯山在東西六千餘

者非也阿里即葱嶺之南幹里南北五千餘里距京師萬有四千餘里由川陝滇入

藏有三路皆先至前藏而後西至中藏又西至後藏又

最西至阿里云在五天竺之東非古佛國也而距天竺

較近阿里南二千餘里入温都斯堪境即中印度故經教至多持陀羅尼尤

驗多僧無城郭僧居士臺者皆持戒律不持戒者居士

臺外自唐太宗以文成公主下嫁吐番贊普好佛立寺

廟西藏始通於中國元世祖封西番高僧八思巴為帝

師大寶法王以領其地後嗣世襲其號而西藏始為釋

教宗主元史釋老傳八思巴者土番人生七歲誦經典數十萬言能通大義國人稱曰神童年十有五謁世祖潛邸卽位尊爲國師命製蒙古新字字僅千餘凡四十一母頒行天下今後藏薩迦有刺麻卽元帝師後人爲紅教之宗其教先娶妻生子有後則不入室始登法座

明洪武初太祖以西番地曠人悍欲網其勢而分其力故凡元代法王國師後人來朝貢者輒因其故俗許其世襲以化獠俗尊中國永樂初成祖則兼崇其教聞西僧哈立麻有道術國人稱曰尙師遣使迎至京師爲高帝后薦福於靈國寺有卿雲甘露青鳥白象之祥封大寶法王西天大善自在佛其徒三人皆封國師其後又封大乘大慈二法王禮之亞于大寶于是其徒爭來朝貢輻輳京師所封有闡

聖武記

卷五

二

化闡教輔教護教贊善五王又授西天佛子者二灌頂大國師者九灌頂國師者十有八法王等死其徒輒自相承襲歲一朝貢略與土司等嗜茶貪貢市冀保世職故終明世無西番患然皆紅教非黃教其黃教宗祖則創于宗喀巴一名羅卜藏札克巴以永樂十五年生于西寧衛得道于西藏之甘丹寺成化十四年示寂初明代諸法王皆賜紅綺禪衣本印度袈裟舊式也其後紅教專持密咒流弊至以吞刀吐火炫俗無異師巫盡失戒定慧宗旨宗喀巴初習紅教既深觀時數當改立教卽會衆自黃其衣冠遣囑二大弟子世世以呼畢勒罕轉生演大

乘教呼畢勒罕者華言化身也二弟子一曰達賴刺麻

一曰班禪刺麻刺麻者華言無上也今俗加口旁曰喇

爾德尼相傳達賴爲觀音分體之光班禪爲金剛皆死

而不失其通自知所往生其弟子輒迎而立之常在輪

回本性不昧故達賴班禪易世互相爲師其教皆重見

性度生斥聲聞小乘及幻術下乘當明中葉已遠出紅

教上未嘗受封于中國中國亦莫之知也達賴一世曰

敦根珠巴者卽贊普之裔世爲番王至是舍位出家亦

名羅倫嘉穆錯嗣宗喀巴法傳衣鉢始以法王兼藏王

事其二世曰根敦嘉穆錯者自置第巴等代理兵刑賦

聖武記

卷五

三

稅其弟子稱胡土克圖則分掌教化當明正德時始以  
活佛聞于中國武宗遣中使率將校十人土千人迎之  
達賴不願行國人匿之將士欲威以兵爲番人所敗遁  
還而武宗崩世宗立果盡斥遣番僧繼又崇道教不信  
佛人始以達賴之不欲行爲有前知焉三世曰鎖南嘉  
穆錯明史所稱鎖南堅錯也名益著青海河套諸蒙古  
罔不嚮服順義王俺荅躬入藏迎至青海建仰華寺奉  
之大會諸部飲長生水鎖南堅錯戒其好殺勸令東還  
而俺荅亦勸其通中國乃自甘州遣大學士張居正書  
自稱釋迦牟尼比邱中國始知有活佛其人實得禪定

慈忍淵默。雖具他心。宿命通而不自耀。于是紅教中大寶大乘諸法。王亦皆俯首稱弟子。改從黃教化行。諸部東西數萬里。熬茶膜拜。視若天神。諸番王徒擁虛位。不復能施。其號令傳至第四世。曰雲丹嘉穆錯。生蒙古圖古隆汗族。十四歲入藏。坐牀二十八歲示寂。故事蹟不著。然河套青海蒙古守其戒。不敢鈔掠。西邊安枕者五十餘年。第五世曰羅卜藏嘉穆錯。當我

太宗文皇

帝崇德二年。喀爾喀三汗。奏請發帑使延達賴刺麻。四年。因厄魯特使貽達賴書。于是達賴班禪及藏巴汗。青海固始汗。聞我

朝興東土。各報使繞塞外數萬里。

聖武記

卷五

四

以崇德七年。至盛京。奉書及方物。約共行善事。并獻卦驗。知必當一統。明年遣使存問達賴班禪。稱爲金剛大士。是爲我

朝通西藏之始。順治初。天下混一。

達賴班禪及固始汗。復各遣使獻金佛念珠。表頌功德。

詔賚甲冑弓矢皮幣。并遣使迓達賴。九年冬至京。

師世祖賓之于太和殿。建西黃寺居之。及行餞之。

南苑德壽寺。授金册印。封西天大善自在佛。領天下釋教。普通鄂濟達賴刺麻。命和碩親王碩塞。以八旗。

兵送之。初唐古特有四部。東曰喀木。曰青海。西曰衛。曰藏。固始汗者。本厄魯特部。于明季吞并東二部。以青海。

地廣令子孫游牧而喀木翰其賦其衛地則第巴奉達  
賴居之藏地則藏巴汗居之第巴曰桑結者與藏巴汗  
不相能謂拉藏虐部衆毀黃教乞師于固始汗翦滅之  
以其地居班禪與達賴分主二藏盡逐紅帽花帽諸法  
王事在崇德十年于是紅教益微并不足爲黃教之細  
顧第巴桑結實傾險旣滅藏巴事多專決吳三桂王雲  
南歲遣人至藏煎茶康熙十三年三桂反詔青海  
蒙古兵由松潘入川第巴使達賴上書尼之且代三桂  
乞降及大兵圍吳世璠于雲南世璠通書西藏割中甸  
維西二地求援于青海其書亦爲我軍所獲朝廷

聖武記

卷五

五

不之問也二十一年第五世達賴卒第巴欲專國事秘  
不發喪僞言達賴入定居高閣不見人凡事傳達賴命  
行之自是益橫旣袒準噶爾以殘喀爾喀蒙古復峻準  
噶爾以鬪中國又外搆策妄內鬪拉藏汗遂招準兵寇  
藏之禍凡西北擾攘數十年皆第巴一人所致噶爾丹  
者亦四厄魯特之一曾入藏爲刺麻與第巴相讎歸纂  
其汗自言受達賴封爲準噶爾博碩克圖汗又喀爾喀  
蒙古自國初以入藏隔于厄魯特乃自奉宗喀巴  
第三弟子哲卜尊丹巴之後身爲大胡土克圖位與班  
禪相亞凡數十年矣至是喀部車臣汗與土謝圖汗交

惡構兵。聖祖遣使約達賴和解之。第巴奏使噶爾丹西勒圖往蒙古謂刺麻坐牀者爲西勒圖。蓋達賴太子弟子也。而喀部哲卜尊丹巴亦奏。詔莅盟壇與西勒圖並坐。噶爾丹使其族人墮之觀釁。因責喀部待達賴使無加禮。詆責之爲土謝圖汗所殺。噶爾丹遂以報讐爲名襲侵其部。喀爾喀東走。聖祖申命達賴遣

使罷兵。第巴使濟隆胡土克圖往反陰。噉之。二十九年遂入寇漠南。我兵敗之烏蘭布通。噶爾丹託濟隆代乞和頂佛立誓。而遁。第巴內慚。乃託達賴意合青海蒙古及厄魯特各台吉上尊號。聖祖不受。屢遣京師刺

聖武記

卷五

六

麻入藏探之。歸言第巴桑結使已遙望禮拜有刺麻立高樓之上。絳紗之中。香煙繚繞。覲不分明。三十三年達賴刺麻入貢言。已年邁。國事決第巴乞錫之封爵。

詔封第巴桑結爲土伯特國王。三十五年。聖祖親

征噶爾丹。至克魯倫河。噶爾丹敗竄。慰其部下曰。此行非我意。乃達賴刺麻使言南征大吉。是以深入也。

上謂達賴存必無是事。乃遣使賜第巴桑結書曰。朕詢之降番。皆言達賴刺麻脫縮久矣。爾至今匿不奏聞。且達賴刺麻存日。塞外無事者六十餘年。爾乃屢唆噶爾丹興戎。樂禍道法。安在達賴班禪分主教化向來相代。

持世達賴如果厭世當告諸護法主以班禪主宗喀巴之教乃使衆不尊班禪而尊己又阻班禪進京之行朕欲和解喀準兩部爾乃使有虧行之濟隆以往烏闌布通之役爲賊軍卜日誦經張蓋山上觀戰勝則獻帕不勝又代爲講款以誤我追師緊爾祖鹿噶爾丹之由今爲珍滅準夷告捷禮以噶爾丹佩刀一及其妻阿奴之佛像一佩符一遣使賞往可令與達賴相見令班禪來京執濟隆以畀我如其不然朕且檄雲南四川陝西之師見汝城下汝其糾合四厄魯特之人以待其毋悔第巴桑結皇恐明年密奏言爲衆生不幸第五世達賴刺

聖武記

卷五

七

麻子壬戌年示寂轉生靜體今十五歲矣前恐唐古特民人生變故未發喪今當以丑年十月二十五日出定

坐牀求

大皇帝勿宣泄

西藏不紀天子惟以地支所屬紀年亦以十二月爲

一歲以寅爲正月仍有閏月但與中國閏不同如雍正十年壬子閏五月其地閏正月雍正三年乙卯閏四月初二則初一日後即初三日無初二矣每月必有初一十五三十而閏日則但于其中間擄去一二日耳至班禪因未出痘不敢至京濟隆當竭力致之京師乞全其身命戒體並封進達賴臨終牀簀尸鹽拌像

上許爲秘之待十月宣示內

外而第巴使者歸途遇策妄那布坦會禽噶爾丹之兵復宣言達賴已厭世爾部落兵毋得妄行策妄哭而歸



上以第巴始終反覆持兩端乃追還其使傳集各  
蒙古宣示密封則像首已墮第巴使驚仆于地第巴忌  
策妄盡收準部故地致噶爾丹無所歸奏防其猖獗而  
策妄亦奏第巴奸譎及所立新達賴之僞欲藉詞侵藏  
上以二人皆巨測不之許也策妄疏曰藏中舊例以能掌教者傳之掌

教自宗門以來普通菩薩海潮大士無不如是達賴圓  
寂之後第巴匿之不宜舍正傳之聖徒班禪而自尊其  
身別奉紅教刺麻謂即達賴化身詐傳法旨擾亂諸  
輩達賴之別號海潮此青海諸台吉所共知請明正其罪云云案普通乃前

乃前輩班禪之號也四十四年第巴謀毒拉藏汗不遂  
欲以兵逐之拉藏汗集眾討誅第巴詔封拉藏翊

法恭順汗拉藏汗者青海固始汗之孫也固始汗既以

聖武記

卷五

八

衛藏爲達賴班禪香火地留其長子鄂齊爾汗轄其眾

次子達賚巴圖爾台吉佐之固始汗卒于順治十三年

鄂齊爾汗卒于康熙九年達賚汗卒于三十六年拉藏

汗嗣爵後以議立新達賴刺麻故與第巴交惡至是奏

廢第巴所立假達賴詔執獻京師行至青海病死

卽方略所云策妄那布坦遣使爭迎之而拉藏不遣者也而藏中所立博克達爾之

伊西嘉穆錯爲第六世達賴刺麻者青海諸蒙古復不

信之而別奉裏塘之噶爾藏嘉穆錯爲真達賴以康熙

四十七年轉生二歲著靈異至是十歲矣諸蒙古迎至

青海坐牀請賜冊印與藏中所奏互相是非

上恐

其構覺

詔暫居西寧紅山寺旋移塔爾寺塔爾寺

者西寧衛城西南四十里之塔山宗喀巴瘞胞衣地黃

教祖寺也青海周數百里十三峰環遶之海中有二島

人迹不至

卽唐時所謂龍駒島

番僧習禪定者于冰合時裹一歲

糧休焉往往出異僧故青海佛法與西藏相亞兩部爭

議未決而策妄擾藏之事起初策妄那布坦取拉藏之

姊而贅其子丹衷于伊犁不令歸

上以厄魯特狙

詐

勅拉藏毋恃親疏防拉藏耄而醜飲不以為意

布達拉西北三百里有騰格里海

蒙古語謂天曰騰格里猶言天河也蒙古

謂地泊海子皆曰淖爾或作賴爾或作那爾或作諾爾或作騰爾皆海子之謂

西接後藏周數

聖武記

卷五

九

千里其北岸大山橫亘為準夷入藏必由之路有鐵索

橋天險一夫拒隘萬眾趨避更無旁徑拉藏亦不之守

也五十五年十月策妄果遣台吉大策零敦多布領精

兵六千徒步繞戈壁逾和闐南大雪山涉險冒瘴晝伏

夜行次年七月始達藏界以送丹衷夫婦歸藏為名由

騰格里突入敗唐古特兵遂圍攻布達拉誘其眾內應

開門執殺拉藏汗虜其妻子搜各廟重器送伊犁禁新

達賴刺麻于札克布里廟 詔西安將軍額倫特以

軍數千赴援而侍衛色棱宣諭青海蒙古備兵七月師

逾木魯河

蒙古曰木魯烏蘇華語曰通天河乃西寧西藏之界也

色棱軍拜都發

額倫特軍出庫賽嶺賊佯敗屢却而精兵伏喀喇河以待額倫特率所部疾趨欲先渡河扼狼拉嶺之險比至喀喇河兩軍皆會賊脅從番衆數萬以其半據河拒我前而分兵潛出我後截餉道相持月餘糧盡矢竭九月我師覆焉賊氛益熾青海蒙古皆輝進藏奏言達賴刺麻可隨地安禪免玉師遠涉之勞而王大臣懲前敗亦皆言藏地險遠不決進兵議上以西藏屏蔽青海滇蜀苟準夷盜據將邊無寧日且賊能衝雪絕險而至何況我軍五十七年命皇十四子爲撫遠大將軍

屯青海之木魯河治兵饗將軍傅爾丹富寧安分出巴

聖武記

卷五

十

里坤阿爾台以獵其北而將軍噶爾弼出四川將軍延信出青海兩路擣藏至是西藏諸土伯特亦知青海呼畢勒罕之真藏中所舊立之贖合詞請于朝乞擁

置禪榻

詔許給冊印于是蒙古汗王貝勒台吉各

自率所部兵或數千或數百于五十九年春隨大兵扈從達賴刺麻入藏軍容甚盛策零敦多布由中路自拒青海軍而分遣其宰桑以兵三千六百拒南路南路將軍噶爾弼招撫巴塘裏塘番衆進至察木多奪洛隆宗三巴橋之險旋奉大將軍檄俟期並進噶爾弼恐期久糧匱用副將岳鍾琪以番攻番之計卽招土司爲前驅

集皮船渡河直趨西藏降番兵七千分兵塞險扼賊饜道而青海軍亦三敗其中途劫營之賊斬俘千計厄魯特進退受敵遂大潰不敢歸藏即由舊路北竄崎嶇凍餒得還伊犁者不及半

詔加封宏法覺衆第六世

達賴刺麻于九月登座取拉藏所立博克達刺麻歸京師盡誅厄魯特刺麻之助逆者留蒙古兵二千以拉藏舊臣貝子康濟爾掌前藏台吉頗羅鼐掌後藏

御

製平定西藏碑文勒石次招寺蓋自第五世達賴卒後三十餘年兩立假刺麻西陲倏擾至是始定焉論者謂達摩創法震旦有一花五葉之讖至六世果以衣鉢啟聖武記

卷五

五

爭故六祖不復傳衣與宗喀巴至第六世達賴之事若一轍物盛難繼始必有終天數所極佛法不能違况人

事歟

松筠綬服紀略曰紅教刺麻最尊者爲薩迦呼土克圖即元帝師帕斯巴刺麻之後也在札什倫布之西宗喀巴初年亦學經於薩迦廟本出一源及學成乃自立宗余巡邊見薩迦呼土克圖詢其經典朔同黃教其僧亦無余過惟薩迦胡土克圖有妻室僅朔自相見餘時亦往來祇爲生子襲衣鉢計其經典皆來自大西天西天有巴特瑪薩木巴瓦者唐時到藏傳教爲紅教之祖乾隆五十四年駐藏大臣舒濂曾覆奏薩迦本同黃教情形余詢之達賴班禪兩刺麻及濟隴第穆等皆同此說故青海蒙古及巴塘裏塘番衆凡崇信黃教者亦皆敬薩迦如達賴班禪蓋紅黃二教本同其近日邪術之紅教乃如達賴禪蓋紅黃二教本同其近日邪術之者一則衣冠異色二則咒語稍別三則傳子與黃教異同如斯而已又言康熙中喀部爲準部所攻破集衆議

投鄂羅斯與投中國孰利哲尊丹巴刺麻曰鄂羅斯  
持敎衣冠俱不同必以我為異類宜投中國與黃教之  
地遂定計東向故馭外夷必  
因其習尚以決人心之去就

聖武記

卷五

五



國朝撫綏西藏記下

駐藏大臣何昉乎昉于雍正之初而定于乾隆之中葉  
初雍正元年哲卜尊丹巴胡土克圖自喀爾喀部來朝  
卒于京師年九十矣 上親臨奠賜名號册印如達  
賴班禪之例遣使護其喪歸庫倫其後五年喀爾喀奏  
胡土克圖呼畢勒罕轉生于庫倫 詔賜金十萬造  
寺以綏喀爾喀之衆又爲駐京之章嘉胡土克圖後身  
造寺于多倫泊以綏內蒙古之衆章嘉者 上在雍

邸時所從咨佛法者也方是時

世宗憲皇帝天縱

神悟夙覺大乘優禮高僧方將以君師

宏法教

聖武記

卷五

五

普利群生而二年卽有青海刺麻助羅卜藏丹津之叛  
其青海諸寺刺麻衆各數千羣起騷動甚至以察罕諾  
們汗大刺麻亦黨賊拒戰王師討平之 上謂玷辱

宗門莫斯爲甚乃收各寺明國師禪師印并定制廟舍  
毋逾二百楹衆毋逾三百人冬藏中噶布倫等三人忌  
貝子康濟鼐之權聚兵害之欲投準噶爾 詔將軍

查郎阿率川陝滇兵萬有五千進討未至而台吉頗羅  
鼐率後藏及阿里兵九千截賊去路禽首逆 詔以

頗羅鼐爲貝子總藏事賜犒兵銀三萬兩留大臣正副  
二人領川陝兵二千分駐前後藏鎮撫之是爲大臣駐

藏之始是年準噶爾策妄死子策楞立請赴藏煎茶又  
聲言欲送還所虜拉藏汗二子 詔嚴兵備之乃收

前藏東西之巴塘裏塘歸四川設宣撫土司治之其中  
甸維西隸雲南設二廳治之惟察木多以外各土司仍

隸西藏移達賴刺麻于西裏塘之惠遠廟以避準噶爾

惠遠廟番名噶達寺八年遷于泰寧護以兵千每年夏初西藏官

兵赴防北路騰格里海之隘以備準夷冬雪封山徼兵

蓋從準入藏之路有三其極西由葉爾羌至阿里中隔

大山迂遠易預備其東路之喀喇河又有青海蒙古隔

之惟中路之騰格里海偏近衛地故防守尤要十二年

聖武記

卷五

準噶爾請和

詔果親王偕章嘉胡土克圖赴川送

達賴由泰寧歸藏滅戍藏兵四之三其哲卜尊丹巴于

九年移多倫泊以避準噶爾者至是亦返庫倫章嘉爲

達賴刺麻請巴塘裏塘地還前藏以其爲達賴所降生

諸土司建寺安禪制最宏麗也 詔以其商稅賜之

地仍內屬乾隆三年噶爾丹策楞復請入藏煎茶始許

之時貝子頗羅鼐懲前敗訓練萬騎又練步兵萬有五

千于通準夷各路嚴設卡倫噶爾丹自是不敢窺藏而

西南之巴勒布三部及布魯克部相繼嚮風入貢藏地

牧謐

詔晉頗羅鼐郡王至乾隆十五年而有朱爾

墨特之變朱爾墨特者頗羅鼐之子也于十二年襲封郡王以駐藏大臣不便于己先奏罷駐防之兵陰通書準噶爾請兵爲外應旋襲殺其兄揚言準部兵至聚黨二千謀變駐藏都統傅清左都御史拉布敦覺其逆芽欲先發而左右無一兵乃以計誘至寺中登樓手刃之旋害于賊黨時第五世班禪已卒乾隆四年卒達賴刺麻使番部公噶班替達攝藏事禽逆黨以聞我將軍策楞班第至藏詔以二臣先事靖變贈一等伯卽以其地立雙忠之祠永禁唐古特及準夷往來之使至是西藏始不封汗王貝子以四噶布倫分其權而總于達

聖武記

卷五

五

賴刺麻我駐藏大臣增兵千有五百戍藏其國事猶不盡預聞也二十二年蕩平伊犁藏地始永無準夷患是年第六世達賴刺麻亦卒初厄魯特世濟其凶亦名扶黃教自固始汗卽以此據衛藏雄諸部及噶爾丹自藏歸稱受博碩克圖汗之封于達賴策妄拉布坦破藏歸復稱受寶權大慶王之封于僞達賴皆鑄鐵章梵文以賜于是立固爾札廟于伊犁河北立海努克廟于河南取所掠藏中供器寶之飯厄魯特刺麻六千餘供養以九集賽萬六百戶其大刺麻坐牀者四人曰西勒圖其誦經室曰都綱旛刺螺唄幾塔西藏大疑大計皆就決



焉策妄及噶爾丹及那木札爾三世嗣位皆請赴藏熬  
茶諷經每次費二十餘萬 朝廷亦賜茶葉香帕以

助其施達爾札達瓦齊之得立及與阿睦爾撒納之構

釁皆伊犁刺麻爲之阿睦爾撒納從王師定伊犁即使

人赴藏熬茶祝已得總四部時當振興黃教又使固爾

札廟刺麻請將軍必使已主伊犁迨叛後上疏猶以各

大臣踞高坐見刺麻激變爲詞敗則劫奪刺麻馬駝以

遁故 御撰平定準部碑云其口奉佛其心乃如夜

叉羅刹之食人其所奉刺麻亦類以淫殺爲佛事與青

海一轍 王師再至伊犁遙望火光燭天則固爾札

廟災刺麻皆焦土與崇奉刺麻之慙酋同歸一劫亦黃

教一大變局也至是 詔仿固爾札廟式立安遠廟

于熱河選置高行刺麻以綏四衛拉來歸之衆時哲卜

尊丹巴胡土克圖于喀爾喀郡王青衮雜布謀叛時先

集各部落王公宣諭利害毋爲賊煽 詔加封敷教

安衆大刺麻四十五年 高宗七旬萬壽第六世班

禪來朝祝釐 詔仿後藏札什倫布式建須彌福壽

之廟于熱河 班禪第一世曰凱珠布格丹 克巴勒藏二世三世無考 班禪自崇德

中同達賴通貢順治初以年老未隨達賴入覲者皆其

第四世羅卜藏垂吉嘉穆錯也第五世曰羅卜藏伊什

...

于乾隆二年示寂第六世曰羅卜藏巴丹伊什于乾隆六年登坐至是年四十有二矣七月班禪至接見于避暑山莊之澹泊誠敬殿初上習蒙古語及平回部金川卽習回語西番語茲因班禪來覲復習唐古特語故重譯朝見告語如一家舊以達賴班禪有高行入覲惟跽不拜至是班禪固請拜上嘉其恪誠從之至京接見于南苑德壽寺仍居西黃寺講經放參皆

世祖禮達賴處也京師西山有僧某者往論佛法責以宜居西番清淨式衆不宜入中國過受崇奉班禪謝之十一月以痘終京師詔卽其地建清淨化域明年

聖武記

卷五

六

春舍利金龕西歸

駕幸西黃寺拈香送之而留其

高弟子羅卜藏敦珠布者領班第二十人住持札什倫布廟傳授後藏經律選內地刺麻百八十人習焉是年遣使賫冊印封第七世達賴刺麻時年二十二歲尚未受封至是班禪卒乃封達賴以綏唐古特之衆初前後藏地近慈嶺寒穉不宜五穀惟青稞豆麥牛羊不贍于食且僧多于百姓故仰中國之茶布與蒙古諸番之布施及班禪入覲朝廷所錫賚在京各王公及草地各番蒙所供養其徒擁之歸者無慮數十萬金而寶冠璽珞念珠晶玉之鉢鏤金之袈裟旃檀華旛磁茗采帛

珍壞不可勝計。仲巴呼圖者，班禪刺麻之兄也。爲班禪治高上事，遂盡有其財。雖其弟舍瑪爾巴亦以習紅教不得分惠。又衛藏數千里，番騎萬有四千，番步兵五萬，皆達賴所轄。班禪惟住持寺廟，不轄地。故于達賴所屬之戴喇諦巴等及守後藏之唐古特兵皆外視之。一無施予，于是舍瑪爾巴垂涎不遂，憤咬廓爾喀引之入寇。時達賴刺麻年少，不知調度，唐古特兵扼險要我駐藏大臣巴忠鄂輝成德等復調停，和不敢戰。于是廓爾喀無忌，飽颺而去。五十六年復深入，福康安海蘭察大舉討平之。語具別記。留土番兵三千，漢蒙古兵千，戍藏。

聖武記

卷五

七

自是駐藏二大臣行事儀注始與達賴班禪平等。其四噶布倫及番目缺，均大臣與達賴會同選授。定商上刺麻銀錢出入之額，與春秋巡查鄂博之制。于是事權始歸。自唐以來未有以郡縣治衛藏。如今日者，其惑衆倡逃之刺麻濟仲等，剝黃伏法。仲巴禽至京師治罪，而紅教之沙瑪爾巴亦檄賊獻其尸。自元明以來未有以齊民治番僧。如今日者，初達賴刺麻之呼畢勒罕一世二世出後藏，三世出前藏，四世出蒙古，五世出前藏，六世出裏塘，皆非一地一族。班禪及各大呼圖克圖亦然。至乾隆末而各大刺麻類多兄弟叔姪，且多出蒙古汗。

王貝勒子弟甚至哲卜尊丹巴示寂。適土舍圖汗之福晉有妊，衆卽指爲呼畢勒罕。及彌月，竟生一女，尤貽口實。漸損蒙古之敬信。蓋宗喀巴經言：達賴班禪六世後不復再來。故後此登座者無復真觀密諦，祇憑垂仲降神指示。垂仲者，猶內地之師巫也。又達賴班禪親族多營爲大胡土克圖，以專財利。致有仲巴兄弟誨盜之禍。上久悉其弊，欲革之，而未有會也。乘用兵之後，特運神斷創，頒金奔巴瓶一供于中藏之。大招寺遇有呼畢勒罕出世，互報差異者，納籤瓶中，誦經降神。大臣會同達賴班禪于宗喀巴前掣之，而名札薩克蒙古所奉聖武記。

卷五

七

之胡圖克圖其呼畢勒罕將出世，亦報名理藩院與住京之章嘉胡圖克圖掣之。瓶供雍和宮。尤元明以來所未有。章嘉胡圖克圖者，其先于康熙中自藏來朝，乃第五輩達賴之大弟子也。聖祖優禮之，命住持蒙古多倫泊之葉宗寺。章嘉通宗乘爲世宗藩邸時所敬逮。其第二世呼畢勒罕轉生于多倫泊。詔造善因寺居之。高宗朝奉詔來京師。藏經咒奏言其國五百年前有狼達爾瑪汗者，滅法毀教。其後諸高僧補綴未全。首楞嚴經已佚，借此土木四譯而歸。又佐莊親王修同文韻統。晚年病目，能以手捫經卷而辨。

教第四支與哲卜尊丹巴一支皆住持蒙古亞于達賴班禪二支而藏中之紅帽十三支黑帽數小支則不暇詳述云凡駐京刺麻于雍和宮中正殿養心殿圓明園大游殿經龍王水經刺麻供獻經長壽佛壇城經尊勝佛母壇城經大佈畏壇城經釋迦佛壇城經清淨經斗母經沐浴經寶匣經時輪王佛經上樂王佛經十六羅漢經拔度佛母經財寶天王經秘密經毘盧佛壇城經其作法有曰跳布札有曰放烏卜藏多與中國僧不同綜計刺麻之能以神識轉

生于世出呼畢勒罕入理藩院冊者西藏號呼圖克圖者十有八號沙布隆者十有二漠北蒙古十有九漠南蒙古五十有七青海番地三十有五四川察木多番地五又駐京呼圖克圖十有四共呼畢勒罕百有六十惟

聖武記

卷五

十九

青海諾們汗一支久同世襲許以親族入籤又嘉慶十三年第八世達賴刺麻之呼畢勒罕靈徵衆著由駐藏大臣奏聞請旨不復瓶掣是二者爲破格凡刺麻朝貢除達賴班禪哲卜尊丹巴三人歲遣貢使不列年班外其餘大刺麻駐漠南北蒙古各部者班六每歲一至岷州刺麻班四三歲一至其駐京刺麻或在京掌教或赴藏辦事或分駐盛京熱河多倫泊五臺山或派往伊犁及四川之懋功寺分闡黃教三歲而更代

臣源曰佛法出五印度更在烏斯藏西逾葱嶺越廓爾喀其水爲恆河西南流入海今通互市之南洋孟買孟

加臘等國卽南印度其海名印度海者是也烏斯藏則在葱嶺之東水皆東流故唐以前羅什元奘譯經皆從涼州西出陽關玉門達摩諸高僧又至自南海皆不經藏地西藏誠非古佛國而自元明以來佛教則衛藏爲盛其始不過內受册封師弟相嗣至宗喀巴崛起不藉中朝封號而夔出諸大法王上兼以修 風命通化

身轉世爲神奇西北諸行國常視爲嚮背中國常用爲銜勒亦佛法因緣有時會興廢非人力歟夫大雄涅槃不聞轉世卽宗喀巴經亦言達賴班禪轉生止于六世自後不復再來今之黃教非昔之黃教尤非古之釋教

聖武記

卷五

三

宜若可以已焉然葱嶺以東惟回部諸城郭國自爲教外其土伯特四部青海二十九旗厄魯特汗王各旗喀爾喀八十二旗蒙古游牧五十九旗滇蜀邊番數十土司皆黃教使無世世轉生之呼畢勒罕以鎮服僧俗則數百萬衆必互相雄長狼性野心且決驟而不可制南北朝時西域數十國迎法師求舍利動至兵爭爲部落安危所係蓋邊方好殺而佛戒殺且神異能降服其心此非堯舜周孔之教所能馴也 高宗神聖百族稟

命 詔達賴班禪兩汗僧當世世永生西上維持教化故衛藏安而西北之邊境安黃教服而準蒙之番民

皆服傳曰修其教不異其俗民可由不可使知蓋至金  
奔巴瓶之頰而大聖人神道設教變通宜民者如

山如海高深莫測矣天章丁寧申諭比于吏部之

為籤部視元代尊奉帝師于紀妨政者曷可復道里計

允矣曼殊師利天可汗哉允矣曼殊師利天可汗哉達

進表稱曼殊師利大皇帝蓋曼  
殊音同滿珠即滿洲轉音也

附錄

欽定蒙古源流八卷今節錄其略曰蒙古者土伯特國  
之分支土伯特又額納特珂克之分支也額納特珂克  
國即中印度距釋迦牟尼佛涅槃之戊子歲納特珂克  
二十一年有烏迦雅納汗者為鄰國所敗棄印度東走  
雪山至雅爾隆贊塘遂為雅爾隆氏至其季子生有異  
表眾戴為汗由此勝四方而為八十八萬土伯特國主

聖武記

卷五

三

是為尼雅特博汗歷傳七汗而為奸臣隆納木所篡半  
載復為舊臣恢復前汗之子立之復歷七傳至多里  
隆贊是為衍慶七汗距佛涅槃之戊子年二十四百八  
十一年矣得百拜儀悔經多寶經及金塔寶匣歌謹供  
養禪教遂與復歷七傳謂之妙音七汗距前佛涅槃戊  
子年二千七百五十年矣第七汗之子曰特勒德蘇隆  
贊年十六歲即汗位遣其十六臣至額納特阿克國中  
傳音韻之學互證土伯特之三十二字母合入四聲于原  
始創之六字並原阿字定為三十餘字各分音韻將禪  
經百拜懺悔經三寶雲經俱譯成文修政治制刑法  
屏十惡行十善既而娶巴布勒國王之女又婚唐太宗  
之文成公主各賫經卷佛像來至土伯特國于是令中  
印度之桑吉刺必滿師巴勒布國之錫拉滿祖師鄂斯  
達師及唐僧瑪哈德幹師等繕譯宣布歲次戊戌年八  
十二歲沒歷四印度之琪布蘇薩都下層肖土伯特  
城公主迎請中印度之琪布蘇薩都下層肖土伯特  
一廣建法輪一制伏妖魅其廟宇佛殿下層肖土伯特  
中層肖唐地上層肖中印度中供三世佛四面四隅象  
四大部洲八小部洲會萃驅魔之咒日月之象得力四

大覺路及八嗎哈噶拉之大廟四大浮圖井光明塔共  
三十廟宇環以金輪自汗年二十二歲興工至三十四  
歲始成於是招集法衆向高行巴特瑪師練習秘咒受  
諸法要於是七百二十佛之灌頂又選土伯特童子學譯  
印度語言文字汗在位五十七年壽六十九歲沒子穆  
迪贊博立與唐懿宗及印度之達爾瑪巴拉汗同時年  
五十四歲歿距前佛涅槃戊子年二千九百九十九年  
矣子達爾瑪特伏卽位擊賊唐兵建造千廟復補翻從  
前未譯之經卷披盈髮之數各繫一哈達每哈達各坐  
一僧供奉數揚年三十六歲卒自其未孽與法教至此  
辛酉歷四百九十五年汗卒無子其兄朗達爾瑪汗嗣  
立其前世爲象曾設惡願遂將三乘三藏經教僧衆全  
行毀滅年六十三歲爲下所殺至其再傳孫巴勒科爾  
贊復興佛法年三十一歲沒子扎實則克巴推廣禪教  
招回前汗滅法時逃出高僧兼遣子弟大臣二十五人  
住中印度延請高行善知識至土伯特將經藏秘咒盡  
行翻寫距戊子涅槃歲三千一百二十三年也其子隴  
吉卽汗位復請得昭阿通沙師再翻經教三年土伯特汗  
興教源流也蒙古亦土伯特裔之分支當尼雅特贊博  
七世孫 降納木所篡時其季子布爾特齊諾逃至恭

卷五

博地方往渡騰吉斯海東至拜噶勒江遇必塔地方人  
衆詢知爲額納特珂克之裔土伯特汗之弟塔羣戴爲  
君十二傳至多幹索和爾多博聖牛根兄弟俱爲厄魯  
特巴噶圖特和特奇喇古特四姓之衛拉特多幹索和  
爾生七子其季勃端察爾始居鄂諾江招服鄂爾察  
克部落七傳至哈布勒汗哈布勒汗三傳生鐵木真是  
爲元太祖青吉斯汗暨三弟哈薩爾哈濟錦諤楚肯并  
爲蒙古各部之祖青吉斯汗年三十三歲起兵伐金三  
十五歲進兵托克摩克斬蕭古里蘇勒德汗們汗四十  
破克里葉特之翁汗二十九歲破奈曼之圖們汗四十  
一歲破郭爾羅斯之納琳汗四十四歲破哈爾里因特  
之阿爾薩爾汗四十五歲用兵土伯特之古魯格多爾  
濟汗其汗遣使獻駝隻輜重無算青吉斯汗因致書于  
薩嘉察克羅年斡阿難達噶爾貝刺麻遙申飯禮由是  
收服阿里三部屬八十萬土伯特人衆遂進征額納特  
阿克直抵齊塔納凌嶺之山脊遇一獨角獸名曰昔魯  
奔薩大聖降生其膝而吼汗曰彼額納特上天示意遂振  
旅而還遣使諭薛爾塔克沁之諸巴海汗不從四十七  
歲攻諸巴海汗滅之于是青吉斯汗口承上帝之命駕



馭天下十二強汗平定諸惡劣小汗今當養身息心安  
居十有九年惟唐古特人眾未服丁亥歲遂攻錫都爾  
陰哈魯山城禽其汗收其哈屯遂病終旋于阿勒台山  
索多博克達大元青吉斯汗所生四子令長子味齊于  
俄羅斯地方卽汗位次子察于岱子托克瑪克地方卽  
汗位三子鄂德格依留守汗位幼子拖雷守產早沒鄂  
德格依年四十七歲沒子庫裕克汗立六位六月卒次  
子庫騰汗立因龍崇侵廢患病延請西方帕克巴刺密  
特刺麻七刺麻者生卑涅樂戊子道三千三百七十五年  
年二十歲往額納特阿克叔父亦有道高僧先謂之  
其詞獲班第達之號而歸其叔父亦有道高僧先謂之  
曰後有東方蒙古國庫騰汗遣使請汝汝必往行當  
于彼處大興佛教因示卦驗至是六十三歲起程六十  
六歲至蒙古國與汗灌頂病立愈遂與禪教刺麻年七  
十歲圖寂其歲汗亦同沒其拖雷汗之長子嗣立在位  
八年年四十六歲卒次子忽必烈汗立卽大元國其時四  
十六歲卽位夏居上都冬居大都幹咱刺麻位傳經時受灌  
克巴刺密特之姪瑪迪都幹咱刺麻位傳經時受灌  
頂之刺則刺麻坐于林上汗坐于下辦理政事時則汗

聖武記

卷五

與刺麻俱坐于牀上與汗講功德喜金剛根本經汗大  
敬服汗在位三十六年享年八十歲立是爲元順帝  
每汗各奉一帝師至托歡鐵木爾汗嗣自是爲元順帝  
汗聽讒殺脫脫太師占夢于阿難達瑪第刺麻刺麻以  
災異凶兆告之汗怒不悅刺麻遂辭歸唐古特大元汗  
遂由古北口出亡作歌悔泣距青吉斯汗降生壬午歲  
凡二百零七年距青吉斯汗卽位戊申凡百有八十年  
傳位共十五汗四方大亂各處轉戰蒙古古四十萬衆  
惟脫出六萬聚集于克魯倫河起過巴爾斯和坦城分  
所部爲左右翼每翼三萬人年五歲及屢傳至達  
延汗太祖之十五世孫也其時插漢小三歲及屢傳至達  
而達延汗留漠北用兵破平部落收左右翼三萬人之  
衆于祖汗之八白室前卽位稱汗號八白室元太祖廟  
也在位七十四年八十歲歿其季子生七孫爲喀爾  
喀七博羅特汗其十一子爲漠南九部汗其九部汗內  
有巴爾斯博羅特子七人長子家必里克墨爾招據鄂  
爾多斯部爲其祖汗守八白室之人領右翼三萬衆次  
子阿勒坦汗卽俺答據于二王默特部而居領左翼三  
萬衆尤強于諸部阿勒坦汗于大明隆慶汗給封號金  
四部六十六歲侵掠坤圖于是大明隆慶汗給封號金

聖武記

卷五

十四

印講和六十八歲歲次癸酉用兵土伯特地方收服阿  
 木多喀木等部落于是阿里克刺麻為汗味誦大有利  
 益分別取舍等經解脫三惡緣及來世罪孽汗遂嵩志  
 經典始念六字心咒其姪鄂爾多斯部博碩克圖濟農  
 年二十七歲往見其叔阿勒坦汗諫曰前世失陷城池  
 因與中國之人結仇以致出亡失絕今汗壽已高漸至  
 于老事之有益今生及來世者惟在經教今聞西方純  
 雪地方大慈大悲觀世音菩薩出現祈遣使請來依從  
 前神方忽必烈汗與帕克刺巴刺麻設立道教豈非盛  
 事乎阿勒坦然之遂與右翼三萬人及好遣使聖識一  
 切之索落木札木蘇胡大克圖使人未至其聖識刺麻  
 靜坐微笑曰阿勒坦汗前世已經善緣我今必往于是  
 至翼蒙古三萬人議于青海之察卜齊勒雅地方修造  
 廟宇初遣八百人往迎天遣千人往迎再遣三千人往  
 迎四次汗自領萬人迎于察布哈勒廟每次獻幣帛諸  
 寶駝馬無算刺麻為各善其前世三與善緣于是諸道  
 吉奏宣前世青吉斯汗之孫庫騰汗與忽必烈汗以道  
 教使天下太平今值屢世爭鬪之餘但值聖刺麻與大  
 力汗二人相遇伏願自今將湧血之大江變為溢乳之  
 淨海普徧大眾無有窮極是時漢番土伯特蒙古等十  
 萬餘人無不贊歎希有從前蒙古人死後多宰駝馬殉  
 葬為行糧自此改按八節持戒誦經每月治齋三日禁  
 殺牲漁獵創立十善福政尊以聖識一切互齊爾達賴  
 刺麻之號刺麻亦贈汗台吉等以經教護法之號阿勒  
 坦許于歸化城立廟以入寶莊嚴佛像博碩克圖汗許  
 將一百八箇甘珠爾經用寶石金銀裝修達賴刺麻亦  
 許于尼濟木塔拉地造彌勒佛像使其徒胡土克圖先  
 往廟中入馬明王定土神獻珍寶助工既而刺麻親至  
 天散花雨又收服雷擊刺麻至鄂爾多斯地坐禪三月  
 隆慶汗在位時事也及阿勒坦汗與徹辰洪台吉相繼  
 殲各部復迎聖識達賴刺麻至鄂爾多斯地坐禪三月  
 又至土默特之地焚化阿勒坦汗骨殖復往各部落宣  
 講經教于是察哈爾之圖門汗與大明萬曆汗各遣使  
 敦請往宣法教聖刺麻曰二大國汗之請非為己身實  
 為衆生扶持傳教欲往之心非不甚切但凡物之生有  
 始必有終今將他往以施利濟遂于使者前入定坐化  
 茶毘獲舍利無算生于壬寅距佛涅槃戊子年三千六  
 百七十五年卒于戊子年三月二十六日年四十七歲  
 具呼必勒罕托生于圖古隆汗福晉之身以乙丑歲  
 生是為第四世刺麻年十四歲土伯特遣使迎往從聖





西藏後記

西藏非佛國也而不可謂非異境全藏所轄六十八城衛地三十藏地十八喀木九阿里十二所謂城者則官舍民居塹山建碉之謂量地小大人衆寡各設宗布木以理民設了布木以理兵民居碉房其游牧之番及蒙古則居黑帳至其衣氍毹食湏酪仰茶忌痘則藏民所同似游牧非游牧似城郭非城郭介居國行國之間是俗一異又有稱營者前藏大營十中營四十有三小營四小營十有五每營設有四後藏大營三中營十有官一二以理各寨番民達賴刺麻所轄寺廟三千百有五十餘所刺麻三十萬二千五百有奇百姓十有二萬

聖武記

卷五

三

千四百三十八戶班禪所轄寺廟三百二十七所刺麻萬有三千七百有奇百姓六千七百五十二戶據乾隆二年理

藩院造冊其刺麻稱胡土克圖者不可勝數皆同土司各轄

番民不設官吏僧多于民君并於師介出家在家之間則俗又一異藏地萬峰刺天高輒冰凌窪窞輒燠溽才里殊褻葛其曠坦數百里四山環衛如城無嚴寒無酷暑者惟布達拉一區其土膏衍其人秀好其音華夏故吐番贊普都之以鞭撻四夷抗衡上國而宗喀巴卓錫後數萬里蒙古厄魯特喀爾喀奔走其號令若驅攝于靈奇磅礴之中則天時地利又一異康熙五十九年遣理

藩院主事勝佳偕刺麻楚爾沁等往圖徽外山川以阿  
里西三百餘里之岡底斯山爲天下大幹宗祖岡底斯

者葱嶺之南幹除北條黃河之內而外凡南條之水若

大小金沙江若瀾滄江若怒江亦作潞江若岷江無一不源

于西藏者故說禹貢者或以三藏卽三危而入南海之

江卽黑水云布達拉山者華言普陀宗乘也釋典言普

陀有三一在天竺南海中一在中國浙江定海一在西

藏平地連矗二峰高百餘丈其一達賴居之其一爲高

行刺麻靜修之所其達賴所居因山勢邈迤疊贅而成

樓十有三重高三十六丈七尺有八寸上有金殿三金塔五僧舍萬

聖武記 卷五 元

餘間金玉銀銅佛像無數歷代寶器充牣耀日皆創建

于唐時贊普而歷輩達賴與藏巴汗重葺之西殿則宗

喀巴遺蹟在焉有手足印在黃麻油上久而不渝番民所頂禮其刺麻所居一

峰卽招拉筆洞山顛建寺形如磨盤下瞰藏江山後又

有池周四里中壘土而亭其上高四重瓦以琉璃皮船渡之爲

達賴刺麻習靜之所拱以羣山滙以三江卽大金沙江

上游捍隄三十餘里居民夾岸而梁其上每歲首諸刺麻聚大招寺

諷經畢卽共增隄石一層山之東五里爲大小招寺皆

唐公主所建西番謂廟曰招猶言大寺小寺也大寺

招高樓四重殿宇闌干皆銅鎔金左廊有贊普及公主

及白布國王女塑像其內神佛萬計釭酥爲燈殿門外  
有長慶中唐蕃和盟碑旁有唐柳鬱若龍蚪舊制藏中  
有公事則駐藏大臣會諸貝子及大刺麻于大招寺議

之近始議于公署大招寺規制亞之大招寺供釋迦牟尼佛乃唐公主鑄

自中國請來西藏者小招寺所供味吉多佛其座額書

寂默能仁則亦釋迦像也而世俗妄傳大招寺像乃白

布國王女成佛小招寺佛即公主侍女成佛直大小招

委巷之談而西藏記等書皆載其說不足辯也寺在喇薩城爲西藏諸城之首喇薩者華言佛地也又

南七里爲札什城駐藏漢兵居焉又有白蚌甘丹色臘

桑鷲四大寺遠近拱挹寺中刺麻多者五千餘次者二

三千而甘丹寺距布達拉八十里則宗喀巴成道之所

聖武記  
卷五  
元  
有遺塔及所坐禪榻以十月二十五日爲成道之期是夕萬戶然燈光明如晝而宗

角園卡契園經園諸勝錯落其間經園者書造貝葉梵

古僧習學藏經者亦居其間此外諸園或爲達賴班禪

來往停驂飲茶之所或在澗湖樹林內爲避暑之所

遇節期則達賴升坐講甘珠爾經丹珠爾經二經乃西

之最尊圓聽膜拜于計不時赴各大寺講經律遠者歲

一至焉達賴所坐疊羅瑜數十重爲高座番民梵唄徹

山谷莊嚴窮七寶爲西方極勝之區而班禪所居札什

倫布寺次之距布達拉寺七百餘里倚山而江氣勢雄

其大刺麻學道能轉世者則達賴班禪印證之得爲胡  
土克圖分掌教化猶華言再來人明史所謂尙師也其

秩有國師禪師及札薩克大喇嘛等號分駐各番蒙古  
部落而皆遙領于達賴班禪其兵刑賦稅則有第巴有  
噶布倫有戴喇有堪布有商上等分掌之西藏額設步  
騎六萬四千步兵居五萬中藏三千騎後藏二千騎阿  
里五千騎稞壩千騎黑帳番蒙古共三千騎臨陣惟蒙  
古騎兵八百頗勇阿里稞壩工布之兵次之其刑有番  
律四十一條甚酷番民病故後所有之財半供達賴喇  
嘛半施各寺諷經追薦故國中布施多于賦稅其外夷  
則有西南布魯克二部世傳紅教亦轄五十城四萬餘  
戶寺廟百有二十喇嘛二萬五千餘天時物產勝西藏  
頗類中土南行月餘卽天竺界惟番僧往來漢民罕至  
也又西南有巴爾布三部共五萬四千餘戶于雍正間  
內附乾隆間并爲廓爾喀其貢皆附西藏以達京師此  
外番族土司小部落隸西藏者不可勝數其陝川滇入  
藏三路惟雲南中甸之路巖峻重阻止通商販大軍不  
能入也故軍行皆由四川青海二路而青海路亦出河  
源之西未入藏前先經蒙古草地千有五百里又不如  
打箭爐內皆腹地外環土司故駐藏大臣往返皆以四  
川爲正驛而互市與貢道亦皆在打箭爐其地高寒乃  
明正土司所屬爲番夷總匯因山爲城市井輻輳西二



百里逾雅龍江至裏塘卽第六世達賴之惠遠廟也又西數百里至巴塘通西寧西藏雲南孔道沃野千里四時和燠舊皆西藏地自康熙五十九年大軍招服番衆故與中甸維西分隸川滇自此以西路百里至察木多是爲前藏亦西寧西藏川滇縮轂之地又西數百里逾瓦河雪嶺而至洛隆宗城沿途皆有漢人寺相傳吳三桂所建又西數百里踰丹達而至拉里亦兩經雪嶺凡藏中雪嶺不一四時冰凌其凹處深輒數仞人畜失足杳無踪迹其頓積雪如城不時隨風飄灑甚于天降行人舍騎而步以手代足羸牲踣墮白骨載途寒沍噤人

聖武記

卷五

五

飛走皆絕惟夏秋之際可行然遇夏雪渙泮勢如傾岳縱水橫潦僕痛馬瘠兼以瘴癘不毛番夷剽奪風日慘澹有冬無春行役之艱于此爲極康熙五十九年滇兵三百營于瓦河一柱峰下中夜風雪人馬悉僵吁可畏已又西逾烏蘇江至烏蘇汎始平坦又三百里而至布達拉中藏距打箭爐共三千餘里故曰西藏非佛國而不可謂非異境也滇南師範曰著有滇繫中國赴天竺佛國亦有兩道一自雲南騰越州而南由緬甸城轉西以至東天竺凡三千五百里再至中天竺又千有六百里共五千有百里一自雲南麗江而西進藏至東天竺北界

二千里又千有二百里而至中天竺僅三千有二百里  
視南道徑千有九百里以地望準之雲南之騰越州正  
與天竺東西相直止因其間赤髮野人隔之故一則迂  
道南行千有七百里至緬甸然後轉西至東天竺又西  
北至中天竺檀那國計三千八百里一則迂道西行入  
藏然後轉南亦至檀那計三千二百里使能取道野人  
徑直西上則免由緬由藏兩迂途而自騰越達天竺不  
過千有八九百里野夷若入版圖則與天竺境壤相接  
昔漢武開西南夷欲由梁州達大夏偉矣哉西藏記曰  
由後藏塞爾地方西南十八程至宗里又八日至白木

聖武記

卷五

三

戎部落其地北接後藏西接白布南至小西天北界自  
小西天界南行十日至其國都布爾牙部落始上海船  
行半月至大西天小西天爲東天竺大西天爲中天竺  
又曰後藏札什倫布西南與布魯克及白布等部交界  
白布卽贊普取白布國王女之地布魯克卽往東天竺  
之路也又一路由阿里西南二千餘里入厄納特珂克  
卽中天竺其中藏前藏東南則以怒江爲界江以南卽  
貉獮野人每藏中有死罪則驅之過江聽野人殘之以  
西藏然則怒江南岸逾野夷西境卽布魯克部與東天  
竺近而怒夷自雍正中內附歲輸皮貢於騰越界非不

可闢之區則天竺與中國亦非不可接之境惟是東天  
竺卽今南洋孟加臘地久爲西洋英吉利所據其地已  
不與佛教卽至其地亦無高僧異典而膏沃殷阜專產  
鴉片流毒中國誠能募騰越土勇萬人渡怒江而西南  
長驅擣其背腋通絕域爲鄰壤實制西夷之一奇或曰  
大金沙江自藏經緬其入海之口卽東天竺界其水濶  
于大江造舟藏地順流建瓴尤倍捷于陸然有舟師之  
便而又有緬夷之梗利害亦適相當也

乾隆征廓爾喀記

四川雲南之西爲烏斯藏烏斯藏之西南爲廓爾喀廓爾喀之西南爲五印度印度古佛國在葱嶺西南瀕大海去烏斯藏尙二千里或以烏斯藏卽古佛國者非也自四川打箭爐西行二十餘驛至前藏十二驛至中藏又十二驛至後藏又二十驛至濟隴之鐵索橋爲後藏極邊地踰橋而西則廓爾喀矣廓爾喀本巴勒布國舊分葉楞部布顏部庫木部於雍正九年各奏金葉表文貢方物後三部吞并爲一遂與後藏鄰東西數千里南北千餘里其巢穴曰陽布距邊約十一二日程其地亦

聖武記

卷五

三

有一迹唐古特人歲往朝塔拭白土焉自古不通中國其與中國構兵則自乾隆五十五年內犯西藏始初後藏班禪刺麻以四十六年來朝祝高宗七旬報中外施舍海益山積及班禪卒於京師資送歸藏其

財皆爲其兄仲巴呼圖克圖所有旣不布施各寺廟與唐古特之兵又擯其弟舍瑪爾巴爲紅教不使分惠于是舍瑪爾巴憤懣廓爾喀以後藏之封殖仲巴之專汰煽其八寇五十五年三月廓爾喀藉商稅增額食鹽糶上爲詞興兵闖邊唐古特兵不能闕而朝廷所遣援剿之侍衛巴忠將軍鄂輝成德等復調停賄和陰令

西藏堪布等私許歲幣萬五千金。按兵不戰。時達賴刺麻不可而巴忠擅以賊降飾奏。諷廓爾喀酋入貢受封國王。是役未交一兵。而糜餉百萬。七月廓爾喀遣人至藏表貢。並致駐藏大臣書。請如前約。鄂輝恐發覺前事。屏不奏。次年藏中歲幣復爽約。于是廓爾喀以責負爲名。再舉深入。後藏札什倫布西南左有曲多江。鞏右有彭錯嶺。峭壁連岡。咽喉天險。賊步卒數千。自聶拉木入。其時蕃漢官兵若分兩路。一扼曲多江鞏。過其前一繞。赴彭錯嶺。截其後。則廓爾喀深入無援。可不戰潰也。駐藏大臣保泰一聞賊至。則移班禪于前藏。并張皇賊勢。

聖武記

卷五

五

奏請移達賴于西寧。班禪于泰寧。欲以藏地委賊。且札什倫布寺負山而江。形勢鞏峻。刺麻數千乘墉。可守以待。援而仲巴呼圖克圖。率貴先逸。刺麻濟仲札蒼等。復託言卜諸吉祥天母。不宜戰。衆心遂潰。賊大掠札什倫布。全藏大震。兩大刺麻飛章告急。侍衛巴忠扈

駕

熱河。聞變畏罪。自沉水死。時鄂輝爲四川總督。成德爲四川將軍。因盡以罪委之。謂巴忠解唐古特語。故私議皆其一人所爲。已二人不知也。及奉命赴藏。剿禦。又按程殺進。上知二人不足恃。乃命嘉勇公福康

安爲將軍。超勇公海蘭察參贊。調索倫滿兵及屯練土

兵進討其軍餉則藏以東川督孫士毅主之藏以西駐藏大臣和琳主之濟隴邊外則前川督惠齡主之柳保泰于軍前。命大兵由青海草地進藏較四川打箭爐近三十程賊狃于上年賄和之役盡運所掠歸國留千賊屯界不去鄂輝成德等擁兵四千既不擊其飽颺又不攻其餘賊僅破聶拉木寨賊百餘遂奏賊退欲卽以藏事竟不言濟隴絨轄二處之賊。上斥不許明

年二月將軍參贊由青海至後藏閏四月所調索倫兵二千金川各土屯兵五千皆集并藏內官兵三千共采買藏中稞麥七萬石牛羊二萬餘足供萬數千人一年

聖武記

卷五

三六

之食毋煩內地轉運五月連敗其屯界之賊盡復藏地六月初遂大舉架入恐賊繞襲後路遣領隊大臣成德岱森保及總兵諸神保各出左右一路以分賊勢而大軍出中路海蘭察將三隊爲前軍福康安將二隊繼之距濟隴八十里之鐵索橋初入賊界第一隘也賊斷橋阻險福康安以正兵與賊相持而海蘭察潛由上游筏渡繞山後出賊營之上福康安亦卽乘勢造橋奪卡合衝賊營追剿百六十里至協布魯沿途無地立營故無一賊又百數十里至東覺嶺兩崖壁立中隔橫河水深溜急我兵緣徑側行險與鐵索橋等乘晦夜雨分兵上

并獻沙瑪爾巴之尸貢馴象番馬樂工請永遵約束班師。上本欲裂其土分授諸土司而酬福康安以郡王爵及聞已受降乃允其請留番兵三千漢蒙古兵一千戍藏是爲官兵駐藏之始。後藏至庫爾喀有定結大路必選布魯克巴等部。道月餘故我師由濟隴近路入左壁右湍不容一騎。將軍叅贊亦時步進故所貢象亦遶大路次年春至前藏而烏拉嶺上下百二十里必窮一日之力踰之稍昏黑卽不能覓路且有雪城若門洞深數十丈人往來者不敢語否輒有雪大如屋壓而殛之廓爾喀寇藏時運貨歸國者二千人過嶺凍死殆盡蓋葱嶺之南春君所以限中西也險倍金川遠踰回部爲漢唐兵力所未至幸其士卒皆跣足先約期而後交綏我軍不顧輒先發揜襲往往猝爲我乘自大創以後至今貢獻不絕其國西鄰北印度克什彌爾南鄰東印度甲噶爾卽明史之榜葛刺一作孟加臘久屬大西洋英吉利其都城則披楞也。一名噶達里噶達乾隆六十年英吉利使臣入貢自言前歲大將軍率兵至西藏西南之的密部落時彼國兵船亦曾相助倘嗣後有需用西洋兵者情願效力。朝廷始知前此廓爾喀之役其南界亦有邊警外患也道光二十年英吉利夷人入寇粵浙

下游接河側枯樹爲橋而渡始奪其險六月九日至雍  
雅山廓夷震懾遣使請軍前乞降將軍參贊嚴檄斥之  
數日不報復三路進攻六戰六捷踰大山二重先後殺  
賊四千涉賊境七百餘里將近其國都陽布之地前此  
山勢皆東西夾河自雍雅以後山皆南北夾河賊踞守  
兩山中亘一橋八月初我兵三路攻奪其北岸之山并  
破其橋北之賊其南岸大山數十里山後卽其國都也  
賊以十營踞山守禦甚固海蘭察欲扼河立營福康安  
不可逾橋攻之冒雨上山二十餘里至斗絕處賊乘高  
木石雨下隔河隔山之賊三路來犯我兵且戰且卻死

聖武記

卷五

五

傷甚衆賴海蘭察隔河接應而額勒登保扼橋力戰乃  
退賊方是時其國境南鄰印度之地曰披楞者久爲莫  
吉利屬國與廓夷積釁福康安進兵時曾檄近廓夷東  
南之哲孟雄宗木布魯克西面之巴作木朗南面甲噶  
尔之披楞等部同時進攻許事分裂其地及是廓夷  
南告急于披楞披楞佯以兵船赴援實陰偏其邊鄙廓  
夷兩支强大敵洵懼無計且恐我軍聞而氣奮也再遣  
人詣軍卑詞乞哀時我師方挫而賊境益險且踰八月  
卽大雪封山難返乃允其降盡獻還所立合同及所掠  
藏中財寶金塔頂金冊印歸前被執之丹津班珠爾等



廓爾喀亦遣人稟駐藏大臣言小國與里底所屬之坡  
楞地相鄰每受其侮今聞里底與京屬構兵京屬屢勝  
臣願率所部往攻里底屬地以助天討時駐藏大臣未  
知所稱里底卽英吉利所稱京屬卽謂中國之廣東省  
所稱披楞屬地卽東印度孟加臘顧答以蠻觸相攻  
天朝向不過問卻之蓋英吉利國都雖遠在大西洋  
而其屬國印度則與廓爾喀接壤世仇構釁故我攻廓  
則英夷乘之我攻英則廓夷亦願助之云

臣源曰廓爾喀界西藏及鄂羅斯攝兩大國之間故內  
貢中國亦兼貢鄂羅斯近日英夷西與鄂羅斯構兵東  
聖武記 卷五 四

與中國結釁故廓爾喀欲乘兩大國之勢以攻印度云  
印度地產鴉片煙英吉利關稅歲入千萬計其兵船入  
犯中國者十九皆孟加臘之人誠能聽廓夷出兵之請  
獎其忠順擾彼腴疆擣其空虛牽其內顧使西夷

失富強之業成狼狽之勢亦海外奇烈也鄂羅斯地袤  
二萬里與中國首尾相接地大兵強西洋所畏其與我  
互市之地則有陸而無海英夷之與我互市則又有海  
而無陸近日鄂羅斯屢與英夷爭達達里之地其地橫  
亘南洋鄂羅斯得之則可以圖并印度故與英夷連年  
血戰雍正五年俄羅斯攻取西藏西南五千里之務魯  
木以其地尙佛教遣人至中國學刺麻當卽與廓

爾喀相。若。能。許。鄂。羅。斯。海。船。赴。粵。貿。易。聯。絡。彌。利。堅。佛。  
近。之。地。等。國。皆。英。夷。仇。敵。則。英。夷。之。兵。船。不。敢。舍。其。境。而。  
遠。犯。中。國。英。夷。在。印。度。大。兵。船。止。百。艘。以。其。半。入。寇。中。國。其。餘。皆。分。守。各。境。不。敢。遠。離。恐。他。國。乘。其。  
也。夫。以。夷。攻。夷。之。效。咫。見。者。視。爲。迂。圖。乾。隆。嘉。慶。間。一。  
封。暹。羅。遂。足。以。西。制。緬。甸。東。制。安。南。善。奔。者。或。一。間。著。  
而。全。局。皆。生。况。以。宅。中。馭。外。之。勢。制。讐。釁。四。結。之。夷。哉。



